



NOVA POSONIENSIS.

ANNO CHRISTI MDCC XXI.
DIE V. NOVEMBRIS.

M

Adritti, a. d. 30. Sept.

Classicula nauium duodecim, cui Ferdinandus Chaconius præerat, Vera Cruce Gades appulsa, merces 14000000. constantes adportasse dicitur. Gibraltaria nuntiatur, Somelsdyckium, Vicarium classis præfectum, cum quatuor nauibus exiisse, vt piratas in freto Gaditano obseruet. Stuartum trierarchum eodem accessisse, atque ducentos & nonaginta Anglos qui a Marochiensibus fuerant capti, secum aduexisse.

Parisis, a. d. 3. Octob. Romignum nuper Doctores Sorbonnicos in publico conuentu sic allocutum ferunt: Si meo mihi rem arbitrio liceret gerere, nihil prius vobis faciendum suaderem,

„quam vt de viro nunc cogitaretis, qui „Syndici deinceps admoveatur muneri; „sed litteris, quas hodie a Rege ad vos „accepi & mecum adtuli, in aliam abire „sententiam iubeor. Atque his dictis „epistolam Regis protulit, quam his fere „verbis scriptam fuisse perhibent. Equidem non ignoro, quod cum ego *Syndicum* vobis constituerem, inventi fuerint male feriatii homines, qui, nescio, „quo prauo animi acti impetu, turbare „voluerint pacem & tranquillitatem, „quam ego vobis omni tempore sartam „te&amque conseruare studui. Quid? „quod in manus nuper mihi peruenerit detestandus libellus, qui, etiamsi in „majestatem, quam Deus regibus concessit & sanctam omnibus esse voluit, „valde est iniurius, typis tamen excryptus & cum aliis communicatus fuit.

„Quam

„Quam ob causam rerum capitalium
 „procuratori dedimus in mandatis, vt,
 „quis auctor fuerit, tam nefandi libelli,
 „exquireret sollicitus, qui si inuentus,
 „& ex tenebris, quibus adhuc occulitur,
 „protractus fuerit, debitas impietatis
 „pœnas suo merito luet. Hoc autem
 „tempore, consilio imprimis Ducis Au-
 „relianensis factum est, vt has litteras
 „ad vos scriberemus moneremusque,
 „ne quidquam eorum immutaretis, quæ
 „Romignii causa nuper a nobis sunt
 „constituta, sed eum potius tantisper
 „agnosceretis *Syndicum*, vsque dum
 „aliud nobis placuerit. Ceterum lit-
 „teras hasce nostras tabulario vestro in-
 „serendas curabitis. Prælectis his litte-
 „ris, ita loquutum aiunt Romignium,
 „Regibus datum imperium, obsequii
 „autem gloriam relictam esse ciuibus,
 „sine me monitore omnes intelligitis.
 „Equidem multis adduci poteram ra-
 „tionibus, vt *Syndici* me abdicarem
 „munere; sed obsequium, quo Regi
 „meo deuinctus sum, mihi neququam
 „permittit, vt decedam a statione in
 „quâ regis auspiciis olim fui impositus.
 „Rex, qui initio me trium modo mensium
 „voluerat esse *Syndicum*, hodie, nullo
 „præfinito tempore hac denuo me digni-
 „tate ornat, quam tamen breuissimi fo-
 „re temporis mihi persuadeo. Et quam-
 „quam *Syndici* vestri munus, cum am-
 „plissimo honore coniunctum est, non-
 „nisi ingratum tamen illi accidere pote-
 „rit, qui vobis inuitis id consequitur.

Roma, a. d. 11. Octob. Proxime præ-
 terlapsa saturni die Pontifex maximus
 in ædem, quæ Angelis tutelaribus dica-
 ta, est se contulerat, in qua supplicatio-
 nes publicæ per horas quadraginta cele-
 brari solitæ, instituebantur: inde ad
 ædem *S. Francisci*, ad litus positam, est
 profectus. Vicarius Legatus, qui Aue-

nione est, litteris ad Pontificem missis
 petiit, vt sibi ingens aliqua pecuniæ
 summa submittatur, id enim statum
 præsentem rerum, qui miserrimus om-
 nino est, requirere, vt commeatus suf-
 ficiens ac medicamenta, quibus pestis
 arceri, aut vis eius quocunque modo
 infringi possit, mature comparari
 queant.

Bononie, a. d. 14. Octob. Ferunt Pon-
 tificem maximum quartam partem re-
 dituum ecclesiasticorum, Portugalliæ
 regi concessurum, vt proventus Portu-
 gallici *Præsulis*, quem Patriarcham nun-
 cupant, augeantur, atque is pro digni-
 tate viuere possit: qua ratione reditus
 eius annuos septuaginta millibus Val-
 lensium auctum iri certum est.

Ex Portu Liburno, a. d. 10. Octob. Etsi
 Legatus Vicarius, qui Auenione est,
 nihil intermisit, quod ad arcendam ab
 eadem vrbe pestem, necessarium visum
 est tamen nihilo minus ferunt, prohi-
 beri non potuisse quin malum hoc, eo
 pertingeret.

Genue, a. d. 11. Octob. Nupera die
 lunæ cum Senatores Reipublicæ conue-
 nissent, quindecim ex viris principibus
 nominati fuerunt, ex quibus Dux deli-
 geretur; postridie vero numerus eo-
 rum ad sex diminutus fuit, ex quibus
 tandem concordibus omnium suffragiis,
Cesare Francki, dignitate ducali orna-
 tus est. Naui quædam Gallica, por-
 tum nostrum intrare volens, admissa
 non est, eo quod ex Languedocia ve-
 nit; Patres enim nostri maximam adhi-
 bent curam ac diligentiam vt Pestis a
 finibus nostris arceri queat. Quam-
 quam enim litteris ex Prouincia allatis
 lætissima quæque nuntientur, comper-
 tum tamen est in solo tractu Gabalensi
 vrbes duas, & viginti quinque pagos
 malo hoc conflictari, quin & exerci-
 deli.

tum Gallicum ab eo non amplius immunem esse.

Londini, a. 4. Octob. Hesterna die Rex in Arce Kensingtonia in *Amplissimo Consiliariorum* conuentu de peste, quæ in Gallia sæuit a Regnis nostris arcenda deliberavit. Naui quadam Massiliensi, in Americam profecta, Cuscum, quæ Peruani regni vrbs est, luem hanc esse perlatam, confirmant.

Alia, a. d. 10. Octob. Fama hic est *Parlamentum* Hibernicum pari modo, vt Scoticum, cum Anglico coadunatum iri. Interea tamen Proceres hibernici, quos *Pares* appellant, qui hic nunc morantur a Rege id in mandatis acceperunt, vt Dublinum se quantocius recipiant, ibidemque muneris sui partibus perfungantur.

Bruxellis, a. b. 17. Octob. *Excellent. Marchioni Prieto* meliuscule iam esse cœpit; quapropter non senatus tantum noster, sed & quam plurimi alii summæ dignitatis viri, eum iam salutarunt.

Hafnia, a. d. 11. Octob. Norrius classis præfectus, a Legato, qui apud nos est, Britannico, hesterna die ad epulas lautissimas adhibitus fuit. Rex noster indulgentissimus vna cum principe hæreditario eiusque coniuge, nec non principe regia, nudius abhinc tertius *Fridericoburgo, Walloam* concessit, vt ibi natalem suam solamner celebraret; hodie namque complebit annum ætatis quinquagesimum. Præmissa eo iam sunt marique deuecta tormenta maiora duodecim. *Larvius*, qui nuper vna cum filio huc accesserat, iam & regis adeundi facultatem habuit & cum plerisque Ministris regis epulatus est.

Alia, a. d. 18. Octob. Mercatores nostri sperant, fore, vt denuo nauigationem magno cum fructu, ac longe tutius, quam antehac instituerent possint

in *Grönlandiam*, siue terram viridem, quæ est regio arctica; quippe quum nauæ quidam ex Freto Dauisii reuertentes nuntiant, homines nostros a barbaris terram illam incolentibus, quam humanissime fuisse exceptos.

Dresda, a. d. 17. Octob. *Flemmingius Comes*, idemque summus exercitus Dux, ex morbo, quo adfligebatur, conualuit, iamque hesterna die consilio sanctori, quod in aula fuit institutum, interfuit.

Ex Holsatia, a. d. 22. Octob. Litteris Petropyrgensibus nuntiatur, legatum Cæsareum, Comiti *Kinskyo*, die 6. mensis huius, Magnum Russorum Ducem solemniter conueniendi, & quæ ab Imperatore in mandatis accepit, exponendi facultatem concessam esse. Iisdem litteris & hoc confirmatur classem Russorum ex mandato Magni Ducis, cœpisse iam exarmari.

Lipsia, a. d. 22. Octob. Litteræ, quas Hafnia d. 14. scriptas accepimus, perhibent classem Anglicam inde iam soluisse, cum eaque & *Larvium* vna cum filio in Angliam profectum esse.

Varsavia, a. d. 18. Octob. Petropyrgo nuntiatur, Magnum Russorum Ducem, quemadmodum pollicitus est, in eo futurum, atque allaboraturum, vt in conuentu Brunsvicensi, omnia, quæ pacem inter Suecos, atque Polonos sufflaminare possent, componantur. Legato Cæsareo, Comiti *Kinskyo*, in aula Russica omnem honorem haberi.

Alia, a. d. 22. Octob. Quoniam metus, quem nobis Turcæ incusserant prorsus iam evanuit, multi dubitant, Regem, tempore, quo expectabatur ad futurum esse. Leopoli accepimus Præfectum Choczimi cursorem denuo mississe ad summum copiarum Polonicarum Ducem, cum litteris, in quibus ei

pro donis sibi missis, inter quæ telescopia in Anglia præparatum erat, verbis conceptissimis gratias agit, rogatque, ut duo sibi porro eiusdem generis telescopia, pretio quocunq; comparanda, procuraret ac mittat, quod iste facturū se pollicitus est in litteris ad eum datis simulq; rogavit, ut ad Chamum Tartarorum scribat eumque moneat ne suis Poloniam in posterum hostilibus excursionibus turbare permittat, quemadmodum anno præsentis sæpius factum est. Ceterum fama ex finibus turcicis ad nos perlata est, exercitum Turcicum in hiberna discessisse, quam ob causam & regni nostri copiis idem est demandatum, relictis tantum locis aliquot custodiis, ad latrones, quorū hic maximus nunc est numerus, obseruandos tutioraque reddenda itinera. Constitutum præterea est præfidiariorum in singulis propugnaculis augere numerum, ut si res postularet, præsto sint vbique, quorum opera ad coercendam illam latronum colluionem uti liceat. Ex Liuonia quoque scribitur Russorum copias, quæ ibi fuerant, mandata accepisse, ut in Patriam redeant, iamque & Cosaccos, quorum erant quindecim millia, prope Kiozzo hiberna sumfisse.

Vienna, a. d. 29. Octob. Hodie *Cel. fiffimus Princeps Eugenius*, ex Moravia, quo se ante dies 14. cum quibusdam summis ducibus bellicis contulerat, feliciter est reuersus, ut consiliis, quæ res maximi momenti concernunt, interesse possit. Accessit præterea ad urbem, *Excellentissimus Comes, Fridericus Carolus Schönbornius*, qui Imperatori Augusto a secretioribus consiliis est, ex arce Schönbornia dicta. *Illustrissimus* præterea *Baro Haagijs*, ex Saxonia ad aulam Imperatoris & viduæ *Iosephi* missus lætissimum adtulit nuntium, *Serenissimam Principem Electoralem*, eandemque

Archi-Ducem Austriacam, *Mariam Iosepham*, die 24. huius mensis Principem filium iterum peperisse.

Alia, a. d. 1. Nov. Superiori die Iouis Imperator Augustus cum vniuersis Aulæ proceribus ex arce suburbana, quam *Fauoritam* vocant, *Schönbrunium* se contulit, ac postquam ibi *phasianarum* auium iaculatione semet oblectasset, in Augustam arcem, quæ in vrbe est, se recepit, in qua hiemem integram transmittere decreuit. Ratisbona nuntiatur præfectū Castri Kehlæ, ad Imperii conuentum litteras dedisse, in quibus significat Rhenum octo continuis diebus ita creuisse, ut inundatione sua, vallum castri eiusdem dimidia viri statura superfuderit, quin & partem pontis maioris abriperit; adeoque si porro creuerint aquæ, periculum esse, ne castrum hoc prorsus absorbeatur. Quapropter petere se ut aut sumtus, vallo reficiendo necessarii, quamprimum sibi mittantur, aut si secus, quid consilii capere debeat, significetur.

Posonii a. d. 5. Nov. Plures in dies aduentare videas, ex inclytis *statibus*, qui congressui, quem Regis indulgentissimi nomine, *Palatinus* indixit intersint deque tributis ac militum hybernis constituent. Interim a. diem 6. Nov. consultatio instituetur prima, licet non paucos, quos adesse oportebat iam, itinerum difficultates, quo minus aduenire potuerint, impediuerint hucusque. Ex Comitatu Liptouiensi nuntiatur *Perillust. Michaelem Okolitsány*, Ictum per Hungariam celeberrimum, animam reddidisse, cum hebdomadas complures colluctatus cum morbo fuisset. Ignoramus vero adhuc, cui partes, quas in *Excelsa Commissione*, quæ de religione dispicit, obtinuit, mandabuntur in posterum.